



UNIVERSITÄTS-
BIBLIOTHEK
PADERBORN

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Qvæstio XXXV. De imagine.

[urn:nbn:de:hbz:466:1-73915](#)

QVÆSTIO XXXV.

De imagine.

ARTICVLVS I & II.

Vtrum imago dicatur personaliter in diuinis, sitque nomen proprium Filij.

DISPV TATIO VNICA.

Imago quid.

Sicut M a g o propriè loquendo, ut ex August. in lib. de Genesi ad literam, qui dicitur imago perfectus, colligitur, est similitudo, seu quippiam simile ad alterius imitationem productum. Ut statua Cæsaris ad imitationem Cæsaris producta. Quare cum ita diuinis nihil sit productum, nisi persona Filii & Spiritus sancti, personaliterque Spiritus sancti vi sive productionis, quatenus scilicet per voluntatem procedit, non producatur ad imitationem Patris & Filii: Filius vero quia procedit per intellectum producatur ad imitationem substantiae Patris, qua in ratione speciei intelligibilis ad Verbi diuini productionem, ut saepe in superioribus explicatum est: concurreat: sit, ut solus Filius in diuinis propriè rationem imaginis fortatur, atque adeò ut imago in diuinis dicatur personaliter, sitque nomen proprium Filij. Porro Filius, ut cum Augustino docet D. Thomas hoc loco art. 2. est que communis Doctorum sententia, non in relatione similis est Patri, sed in essentia, quatenus habet rationem sapientie: quia tamen, ut aliquid similitudo, imagoque alterius dicatur, necesse est, ut sit quippiam ab eo distinctum, productumque ad illius imitationem, utique quemadmodum à relatione haber Filius ut sit quid productum, distinctumque à Patre, sic etiam à relatione completiu habet, quod sit imago Patris, esto non in ea, sed in essentia, quatenus rationem habet sapientie, sit similis Patri, ut saepe in superioribus explicatum est. Circa hanc tamen sunt nonnulla animaduertenda. Primum est, Quamuis imago propriè sit similitudo ad alterius imitationem producta, id vero, ad cuius imitationem aliquid producitur, non imago, sed exemplar rei sic producta dicatur: vnde quia Verbum diuinum non producitur ad imitationem rerum creaturarum, sed è contrario, creata ad imitationem illius producuntur, Verbum diuinum non imago, sed exemplar, id eave rerum creaturarum dicatur: quamvis, inquam, hæc ita sint, aliquando tamen exemplar ad cuius imitationem aliquid producitur, dicitur impropriè image eius, quod ad illius imitationem producitur. In cæque significacione videtur sumi imago, quando Genef. 2. homo dicitur factus ad imaginem & similitudinem Dei. Atque de imagine ita lumpa intelligit illum locum Fulgentius de fide ad Petrum cap. 1. Tametsi D. Thomas hoc loco hæc quoque expositionem innuat eius loci, ut ad denotandum imperfectè in homine imaginem Dei repertiri dictum sit faciamus hominem ad imaginem & similitudinem nostram. Quod si in diuinis concedenda sit imago, ad cuius imitationem conditus fuerit homo, tunc imago essentialiter deo, impropriè tamen dicitur.

Spiritus sanctus an sit distinctus a fidei imagine patri.

Secundum est, nonnullos ex Græcis, ut Basilius s., contra Eunomium, & Damascenum 1. fidei orthodoxe cap. 18. concedere Spiritum sanctum esse etiam imaginem Patris & Filii, ut hoc loco refert D. Thomas. Ex eo autem videntur moti, quod Spiritus sanctus sit quid productum, habeatque om-

nia, in quibus Filius similis est Patri: Filius namq; similis est Patri, quoad illius substantiam in essentiab; nempe in essentia, ut rationem haber sapientie: essentia autem omnia communia, eadēmq; sunt Patri, Filio, & Spiritui sancto; quod fit, ut non minus Spiritus sanctus similis sit Patri & Filio quod corum substantiam, quam Filius similis sit Patri. Melius tamen, congruentiusque Scripturis sacris & veritati, Doctores Latini affirmant, solum Filium in diuinis habere propriè rationem imaginis. Ratio est, quia ad rationem imaginis non sat is est similitudo inter aliqua duo (duo namque oua similia sunt inter se, & tamen neutrum est imago alterius) sed vterius requiritur, ut producatur ad imitationem eius, cuius dicitur imago: quia ergo Filius vi sua productionis producitur ad imitationem substantiae Patris, eo quod producatur per intellectum concurrente essentia diuina in ratione speciei intelligibilis, qui concursus ex naturae est ad exprimendum quippiam humili concurrenti eo modo: Spiritus sanctus autem non producitur ad imitationem substantiae Patris & Filii: eo quod producatur per voluntatem, cuius non est imitari principium, aut obiectum talis productionis, sed per accidens est quod eo modo productum sit simile producenti, efficitur, ut solus Filius propriè habeat rationem imaginis in diuinis: cæque de causa Scriptura sancta eam soli Filio attribuant. Ad Colos. 1. Est imago Dei inuisibilis. Ad Hebr. 1. Cum sit splendor glorie, & figura substantie eius. Sapien. 7. Candor est lucis aeternæ, & speculum sine macula Dei maiestatis (in quo diuina maiestas seu essentia representatur) & imago bonitatis illius. Doctores ergo Græci sumunt imaginem impropriè, prout omne, quod simile est alteri, dici improprie potest imago illius, maximè, si ex eo sit productum: nullus autem negare potest tres personas diuinas esse similes inter se. Notauerim tamen, etiam aliquos ex Græcis solum Verbum appellare imaginem, de quorum numero, sive Athanasius in decretis synodi Nicenæ contra Arianos. Vbi unus, inquit, Dei, una est tantum imago, unum Verbum, unus Filius. Didymus 2. lib. de Spiritu sancto Nazianzenus in Apol. de fuga in Pontum, & Chrysostomus homilia 74. in Ioannem.

Tertium est, Durandus in 1. d. 28. q. 3. assertore, imaginem non esse propriè in diuinis: cœque modo, quo in diuinis impropriè cernitur, conuenient non tantum Filio, sed etiam Spiritui sancto: per appropriationem vero dici de solo Filio. Sententia E haec singularis est, & parum consona Scripturis facris. Quamvis autem Durandus eo loco cuidam alteri fundamento innitatur (quod, si placet, apud ipsum lege) haec tamen sententia videtur habere originem ex illa alia eiusdem Durandi erronea sententia, qua affirmat, nec Filium procedere à Patre per intellectum, nec Spiritum sanctum à Patre & Filio per voluntatem, quæ suprà impugnata est: neque est, quod de hac re verbum aliud adduciamus.

QVÆSTIO XXXVI.

De persona Spiritus sancti.

ARTICVLVS I.

Vtrum nomen, Spiritus sanctus, sit proprium non men alicius diuina personæ.

Hoc & duabus sequentibus questionibus disserit D. Thomas de his, quæ ad perlucnam Spiritus sancti spectant. Quod ad propositam disputationem attinet, Richardus, & Ducandus,